

TONG YULDUZI

O'zbekiston bolalari va o'smirlarining gazetasi

Gazeta 1929 yil 1 avgustdan chiqib boshlagan

№ 3 (66336)
2002 yil 18 yanvar, juma

Sotuvda erkin narxda

San'at inson uchun tarbiya
o'chog'i, ruhiga tetiklik, yuragiga
o't qalab, qalbiga shodlik ulashuvchi
buyuk bir ne'matdir. Har bir farzand
birorta musiqa asbobida kuy ijro eta olishi

Ziyodaxon Madrahimovalar
bayramning aziz mehmonlari qatoridan
joy olishdi. Kechani Oliy maktab rektori
Mahmud Ochilov ochib, yig'ilganlarni
bayram bilan qizg'in tabrikladi. Tabrik

BAYRAMLARING MÓ'L BÓLSIN. YURTIM

yoki qo'shiq kuylab, zavqlanishi kerak.

Kuy, qo'shiq bolaning fikr doirasini
kengaytiradi. Ma'naviy
tarbiyasiga ijobiy ta'sir
ko'rsatadi.

Toshkent Davlat Milliy
Raqs va Xoreografiya Oliy
maktabida Vatan
himoyachilari kuni va Qurolli
kuchlar tashkil topganining
10 yilligi munosabati bilan
«Mardlar qo'riqlaydi
Vatanni» deb nomlangan
badiiy va musiqali kecha
bo'lib o'tdi. Tadbirda
O'zbekistonimizning ko'zga
ko'ringan san'at
darg'alaridan Roziyaxonim
Karimova hamda



Qunduzxonim Mirkarimovalar, ularning
shogirdi O'zbekistonda xizmat ko'rsatgan
hamda Qoraqalpog'iston xalq artisti,
O'zbekiston Mudofaa Vazirligi qoshidagi
ashula va raqs dastasining bosh
baletmeysteri, Mukarramaxonim
san'atining davomchisi

Yurtim, bayramlaring ziyoda bo'lsin,
Har kuning, har tuning quvonchga to'lsin.
Farzandlaring baxti bus-butun bo'lsin,
Bag'ringda yayrashib, quvnashib kulsin.

Tuhfano ORTIQBOY qizi.

TUSHIB QOLMASIN

Nodirjon birinchi sinfda o'qiydi. Uning dadasi yangi
kostyum olib berdi. Nodirjon xursand bo'lib maktabga yangi
kostyumini kiyib ketayotgan edi. Oyisi:

- O'g'lim maktabga borganingda o'rtoqlaring bilan olishib,
tugmalarini tushirib qo'y magin, - deb
tayinladi.



Nodirjon darsni tugatib, uyiga keldi.

Oyisi bunday
q a r a s a
kostyumning
bitta ham
tugmasi yo'q
emish.

- O'g'lim
tugmalarini
qani? - deb
so'radi.

- Tushib
qolmasin deb, hamma tugmalarimni uzib cho'ntagimga solib
qo'ygan edim, - deb javob berdi Nodirjon.

Dilrabo DO'STQOBILOVA,
Toshkent shahar, Yakkasaroy tumanidagi
118- maktabning 4- «A» sinf o'quvchisi.



O'rmondan kelgan kuyi,
Yasanibsan kun bo'yi.

Shoxlaringda o'yinchoq,
Ming chiroqli ko'zmunchoq.

Izzatingni qildik biz,
Mezbonlikni qildik biz.

Gurkirading barq urib,
Xush bo'yningni ufurib.

Bayram bayramdek o'tdi,
Boga hayrondak o'tdi.

Goh keng, goh tor bag'ir,
Bizlar odammiz axir.

Yangi yilga so'zim bor,
Archa-jonga to'zim ber.

Archa, archa, archajon,
Shoxlaringda ming murjon.

Senga kelgan boltaga
Boshim qo'yib beray jon..

UMIDA.

Diplomga ega bo'lish - bu hali tom ma'nodagi ziyoli
emas. Ziyoli odam o'z tafakkur saviyasi, pok yuragi,
ichki madaniyati bilan mutlaqo bo'lakcha inson bo'ladi.
Islom KARIMOV.

MUNOSIB HISSA

Har bir oliy o'quv yurtida
bo'lgani singari, Toshkent
kimyo-texnologiya institutida
ham turli tadbir, uchrashuv va
tanlovlar uyushtirilib, talabalar
saviyasini oshirishga alohida
e'tibor berilyapti.

2001-2002 o'quv yilining 1-
yarimida «Prezident asarlari
bilimdondlari» ko'rik tanlovining
mantiqiy davomi bo'lgan
«O'zbekiston iqtisodining 10
yillik ufqlari» mavzusida tanlov
bo'lib o'tdi. Tanlovda
magistrantlar jonbozlik
ko'rsatib, o'z bilimlarini yanada
oshirib borayotganligini yaqqol
namoyon etdilar. Institutda
o'tkazilgan o'quv-amaliy
anjumanda talabalar
O'zbekistonning 10 yil ichida
erishgan iqtisodiy yutuqlarini
ko'rgazmali materiallar va
ma'ruzalarda ifodaladilar.
Talabalardan Sanjar
Azimovning «Mustaqillik
odimlari», Norxol
Mullaboyevaning «Men milliy

g'oyani qanday tushunaman»
deb nomlangan ma'ruzalari
yuqori baho oldi. Norxol o'z
so'zida «Inson tug'ilib yoshi katta
bo'laverar ekan, yaqin yoki
uzoqqa mo'ljallangan ishlarni
rejalashtiradi. Reja tuzishdan
oldin har bir insonda aniq bir
g'oya bo'ladi. Bu g'oya uning
yodiga tushib, asta-sekin niyatga
aylanadi. Chunki inson boshqa
jonzotlardan faqatgina
kiyinishni, yuzi, qiyofasidan
emas, balki g'oyasi bilan ham
ajralib turadi», deb ta'kidladi...
Menimcha, milliy g'oya
hammamizda bor, hammaning
ham niyati, orzusi bo'lsa kerak.
Bizning va kursdoshlarimning
ham niyati bitta, institutda
olayotgan bilimlarimizni
kimyo-sanoatni rivojlantirish
orqali O'zbekiston
mustaqilligini mustahkamlashga
munosib hissa qo'shishdir.

Dilnoza MUTALOVA,
Nilufar FAYZIYEVA
ToshKTI 1- bosqich
magistrantlari.

Ulamo bilan suhbatda bo'ldim va pok niyatli,
toza qalbli kishilarga talpindim. Ularning
himmatlaridan ulush tilanib, muborak nafaslari
bilan duo-fotiha berishlarini o'tindim.

Amir Temur o'g'itlaridan.

«POK NIYATLI, TOZA QALBU KISHILARGA TALPINDIM»

Prezidentimiz I.A.Karimov Oliy Majlis sessiya
yakunlarida «2002 yil - Qariyalarni qadrlash yili» deb
e'lon qildilar. Bu har tomonlama o'ylanib, o'rganilib,
tekshirilib, tarix saboqlari, dono xalqimiz o'g'itlaridan kelib
chiqilgan xulosa asosida qabul qilingan tadbirdir. Buning
to'g'riligiga hech qanday shak-shubha yo'q. Bizning
dono xalqimiz «Qari bilganni, pari bilmas», «Qarisi bor
uyning parisi bor» kabi qator oltinga teng maqollari bilan
duogo'ylarimiz, maslahatgo'ylarimiz, hayot yo'lida
qoqilsak suyanchig'imiz - qariyalarimizni avaylash,
ularga muruvvat ko'rsatishga undaydi.

Ziyoda RASULOVA,
O'zMU jurnalistika fakultetining
1-kurs talabasi.

SOG'INCHIMNI TASHLAMASMAN, HECH QACHON

Men «Viloyat iqtidorli bolalar ko'rigi»da qatnashib, munosib o'ringa sazovor bo'ldim. «Sog'inchimni tashlamasman, hech qachon» nomli she'riy to'plamim chiqdi. Nomzodimni Zulfiyaxonim nomidagi davlat mukofotiga qo'yishdi. Tuman miqyosida g'olib bo'lib, viloyatga chiqdim. Quyida she'rlarimdan namunalari o'qiydiz.

ARCHA

Ko'm-ko'k yashil archajon,
Yaproqlaring dur, marjon.
O'yinchoqlar juda ko'p,
Yulduzlar go'yo osmon.

Shodlikka to'lib barcha,
Atrofingda aylanar.
Qorbobodan sovg'ani,
Olmoq uchun shaylanar.

MUSICHA

Buncha muloyim qushsan,
Ba'zida ajib tushsan.
Beozor qush musicham,
Kelgin don-dunlar sochsam.

Dadam yaxshi biladi,
Nasihatlar qiladi.
-O'qim bu qushni urma,
Urib, gunohga botma.

*Sadoqat SAIDOVA,
Qashqadaryo viloyati,
Qarshi tumanidagi
118- maktabning 5- sinf o'quvchisi.*

«TONG YULDUZI»NI BUXORODA O'QISHADI

Mana, «Tong yulduzi» gazetasining yangi soni qo'limda. Bu gazeta men uchun bolaligimdan aziz. uni o'quvchilik yillarimdan to'hanuzgacha sevib o'qiyman. Bu gazeta hozirgi kunda nafaqat mening, balki farzandlarimning ham qadrdon yo'ldoshi. Chunki unda bosiladigan har bir maqola, she'r va lavhalarni ular ham sevib o'qishadi, boshqotirmalarni ishlashadi, undan yangiliklar izlashadi. Uyimda gazetaning kattakon bir to'plami mavjud. Ularda o'quvchilarim Nargiza, Ruxsora, Marg'uba, Malohat va boshqalarning, qizim Feruzaning maqolalari, tarjimalari chiqqan. O'quvchilarim yuborgan maqola va she'rlarga tahririyat xodimlari e'tiborsiz qarashmaydi. Men doimo o'quvchilarimga bu gazetani o'qib borishni, unga yozib turishni tavsiya etaman. Tahririyat xodimlariga esa yangi - 2002 yilda sog'liq va omad tilab qolaman.

*Qursiya RAVSHANOVA,
G'ijduvon tumanidagi 8- iqtidorli bolalar
maktab-internatining ona tili va
adabiyot fani o'qituvchisi.*

ILHOM PARISI KELDI

Men adabiyotning ashaddiy muxlisiman. Qayerda she'riy to'plamlarni yoki gazeta sahifalaridagi nazmiy satrlarni ko'rsam, astoydil o'qishga kirishaman. Ba'zida menda shunday his-tuyg'ular paydo bo'ladiki, go'yo she'r yozish uchun imkoniyatlar yaratiladi. Butun vujudim she'r ishtiyoqida yonadi. Ayajonim esa: «O'g'limning ilhom parisi keldi», -deydilar. «Dadajon», degan she'rim ham yaqinda yozildi.

DADAJON

Siz bo'lsangiz yonimizda,
Nurga to'lar uyimiz.
Siz borsizki, ko'nglimiz tog',
Yangrar qo'shiq, kuyimiz.

Dadajonim, keng jahonim,
Uyimiz to'ridasiz.
Turing dunyo turgunicha,
Qalbimiz qo'ridasiz.

*Madina AZIMOVA,
Samarqand shahri, Temiryo'l tumanidagi
14- maktabning 9- sinf o'quvchisi.*

XATLAR TEGIRMONI



BOG'BON BOBOM

Bir paytlar Surxondaryolik tog'amiz Qo'qonga poyezdda bir necha xurmo ko'chatlarini olib keldandilar. O'shanda ko'pchilik Surxondaryo xurmosi Qo'qonda o'smaydi, havosi boshqa deganlar mana endi uyalib ham qolishdi. Hozir qishlog'imiz xonadonlarida xurmo daraxti osmono'par bo'lib o'sadi. Xurmoni Qo'qon qishloqlariga tarqatgan bobom bugun bir kam 100 yoshdalar. Aytishlaricha, bobomning do'stalaridan uch-to'rt nafar qolibdi, xolos. Shuning uchun ham bu sanoqli do'stlar tez-tez tuman choyxonasiga yig'ilib diydorlashadilar. Diydor - g'animat, deydilar.

Bir piyola choy ustida ular davrimizning gullab - yashnayotganligidan, iqtisodiyot, madaniyat rivojlanib borayotganligidan mamnun bo'lib, bu kunlarga yetganliklaridan shukronalar aytadilar. Jang maydonlarida sog'lig'ini yo'qotgan bobom bugungi dorilomon kunlarning baxtiyor insonidir.

Ular bog' yaratib, bog'bon bo'ldilar. Nevara-yu, chevaralarga mehribon, bog' yaratayotgan bog'bon buva. Biz esa salkam 100 yoshli bobomiz bilan faxrlanamiz.

*Xurshida
BOYMIRZAYEVA,
Mirzo Ulug'bek
tumanidagi
248- maktabning
8-sinf o'quvchisi.*



MA'NAVIYAT KUNINI O'TKAZAMIZ

Ma'lumki, maktablarda «Milliy istiqlol g'oyasi va ma'naviyat asoslari» darsi kiritilgan. Biroq u haftasiga bir soatdan bo'ladi. Darsga o'quvchilarni yanada qiziqtirish maqsadida maktabimizda haftaning har

seshanbasida «Ma'naviyat kuni» o'tkaziladi. Unda har bir sinf mavzu tanlab, unga oid she'rlar, qo'shiqlar va sahna ko'rinishlari tayyorlashadi. O'quvchilarning maslahatchisi esa maktab rahbari Orif hoji Oxunov va muovini Mutallib Temirov domlalaridir. Ular bizlarga manbalar, kitoblar topishga ko'maklashadilar.

*Manzura
ABDUJABBOROVA,
Andijon viloyati, Izboskan
tumanidagi 15- maktabning
9- sinf o'quvchisi.*



ZARI BOR UY

Qarisi bor uy fayzli, qut-barakali bo'ladi, deydi xalqimiz. Bu albatta, ezgu niyatlarimizning ro'yobga chiqishida duoga qo'l ochgan otaxonu onaxonlarimizning

xonadonimizda o'ziga xos o'rni borligidan, ular bolajonlarning faxru, g'ururi ekanligidan dalolatdir.

Farzand huzur-halovatni va osoyishtalikni ota-onasi bag'rida topadi. Quyosh kabi qalblarimizni isitadigan bu ikki tabarruk zotni ulug' ayyom - qadrlash yili bilan qutlasak, ko'ngillari tog'dek ko'tariladi. Shayx Sa'diy aytganlaridek, «Sen o'z otangga nisbatan qanday yaxshilik qildingki, shunday yaxshilikni farzandingdan kutasan, ya'ni otangga qanday muomala qilgan bo'lsang, farzanding ham senga shunday muomala qiladi». Shunday ekan, har birimiz ota-onamizning nuroniy chehrasida kelajagimiz ko'z tashlab turganini unutmasak bo'ldi.

*Shahnoza OYDINOVA,
Alisher Navoiy nomidagi
Respublika nafis san'at litseyining
10- «G» tarix sinf o'quvchisi.*

O'qituvchilik faoliyatini Toshkent Politehnika institutining Buxoro filialida boshlagan Gulandom opa G'ijduvonning bir qator

obodonchilik ishlarini yo'lga qo'yib ezgulik sari intilgan. Insonlarga muruvvat ko'rsatish, sahovatli bo'lish, vijdonan mehnat qilishni asosiy shior deb bilgan.

bilan birga G'ijduvondagi Ulug'bek nomli 1 - son o'rta maktabda dars berar ekanman, bolalik xotiralarga berilaman. Matematikadan saboq -

DONOLIK SABOG'I

maktablarida ham direktor vazifasida ishladi. Faoliyati davrida

Gulandom opadan: «Qator yillar rahbarlik lavozimlarida ishlab keldingiz, ammo hozirgi kunda yana maktabga qaytdingiz. Buning sababi nimada?», deb so'radik.

-Bilasizmi, maktabda o'qib yurgan davrimdayoq matematika o'qituvchiligi kasbiga o'zgacha mehr qo'rganman. Sobiq sinfdoshim Habiba Mo'minova

sabog'i axir. Hamma vaqt xalq hurmatiga sazovor bo'lgan o'qituvchi onajonim Saida Badriddinova va olloh rahmat qilsin tarbiyachi otajonim Tursun Sharipovlar farzandi degan nomga munosib bo'lishga, ular ishini davom ettirishga bor vujudim bilan intilayapman. Bundan tashqari, yosh o'qituvchilarga ustozlik qilish,



qshogirning quvonaman.

Ha, Gulandom opa qayerda ishlamasin hamma vaqt o'z vazifasini vijdonan, namunali bajarish uchun harakat qildi. «O'zbekiston Respublikasi Xalq ta'limi a'lochisi» nishoni bilan mukofotlanishi Gulandom Sharipovanning 2001 yildagi eng quvonchli kunlaridan biri bo'ldi. Biz ham ularning kelgusidagi ishlarida ulkan omadlar, o'zlariga sog'lik, salomatlik tilab qolamiz.

Ozoda
MUXAMMEDOVA.

Ustoz haqida

Men o'qituvchilar sulolasi farzandiman. Faqat dadam...

Dadam ham o'z navbatida ustozlar. Ko'p shogirdlari bor. Faqat mashina sozlovchi ustozlar. Agar biz tomonga yo'lingiz tushib, «G'ijduvonda eng qo'li gul usto kim?», deb so'rasangiz, «Albatta Usto Husan», degan javobni eshitasiz...

Yangi yil bayramida turli sovg'alarga ega

ICHIDA TILLOSI BOR SOVG'A

bo'ldik.

Ularni ko'rib turgan edik, dadamning shogirdlari O'lmas aka ham bizga sovg'a keltirib qoldilar. Ular hadyalarning ko'pligini ko'rib «Ichida tillasi bor usto Husanning sovg'asi qani?» deb so'rab qoldilar. Biz ham hayron bo'lib shosha-pisha sovg'alarni titkilay boshladik. Ukam Xurshid, singlim Hamida darhol sovg'ani topishdi. Orasini ochib ko'rsak, qay ko'z bilan ko'raylikki, menikida «Tong yulduzi»ga, ukam sovg'asida «Gulxan»ga, singlimnikida «G'uncha»ga obuna qog'ozi turibdi. Sevinib ketdik. Axir bolalarga bolalar nashridan ortiqroq sovg'a bormi dunyoda. Yana u bir yil davomida kelib tursa, mazza-da o'ziyam.

Shunday qilib eng yaxshi sovg'a Usto Husanning sovg'asi ekan. Ularga hamma qoyil qoldi. Biz esa dadajonimdek kamtar, mehnatkash, mehdaryo inson bo'lishga harakat qilamiz, deb ko'nglimizga tugib qo'ydik.

Husniddin HIDOYATOV,
Buxoro viloyati, G'ijduvon tumani,
Mirzo Ulug'bek nomidagi 1-maktab
o'quvchisi.



Men 21 yillik ish tajribasiga ega sinf rahbarim Dilbar opa Faxriddinova bilan qurgan suhbatimni sizlar e'tiboringizga havola etmoqchiman.

TA'ZIM AYLAYMAN



bo'ladi. Ish faoliyatimda yaxshi o'qiydigan, xulqi, odobi namunali o'quvchilar ham, tarbiyasi og'ir o'quvchilar ham uchraydi. Men shunday o'quvchilar qalbiga quloq solib, ularni to'g'ri yo'lga boshlashga harakat qilaman. Ehtimol shundanmi, mening kasbimni, mening mahoratimni havas qilgan shogirdlarim bir talay. Lola Toshxo'jayeva, Barno Muhamedova, Umida Abdurahimovalar hozirda mening yelkadoshlarim. Nevaram Gavharxon Bahromova ham kelajakda muallim bo'lishni orzulaydi. Ustozlar shajarasini davom ettirmoqchi.

Qadrli ustoz, siz - sharaflil kasb egasiz. Siz - avlodlar suyanchisiz. Siz - bizning ishonchimiz. Bizning baxtimizga sog'-salomat bo'ling. Qalblarga ulashgan ezguliklar evaziga sizga ta'zim aylaymiz.

Mahmudjon AZIMOV,
Shayxontohur tumanidagi

169-maktabning 5- «G» sinf o'quvchisi.

Qariyb o'ttiz yildan beri Islom aka Yarashev Buxoro viloyati Shofirkon tumanidagi Mustafu Halilov nomli 5-maktabda o'quvchilarga ma'naviy tarbiya bilan birgalikda ingliz tili fanidan saboq beradi. Shu yillar mobaynida besh marotaba 10-11 sinf o'quvchilarini bitirtirib, mustaqil hayotga yo'lladi. Hozirda ingliz tili uslubiy uyushmasi rahbari bo'lib ishlamoqda. Yosh o'qituvchilarga esa pedagogik mahoratini o'tirishga yaqindan ko'maklashadi. Ustozning o'quvchilari - Shohista Muhammadiyeva va




SHOGIRDLARI BISYOR

Mirzohid Vohidovlar bir necha bor tuman olimpiadalarida qatnashib, sovrinli o'rinarlari sohiblari bo'lmoqdalar. Ingliz tili to'garagining faol qatnashchilari 8-9 sinf o'quvchilari Aziza Nusratova, Gulbahor Sanoyeva, Nafisa Tohirova, Gulzoda Haydarova, Norjon Asadova, Vohidov, Ahmedov kabilar Islom akaning xorijiy til sirlaridan voqif qilishini so'rashadi. Qator shogirdlari yurtimizning turli shaharlarida, nufuzli ishlarda faoliyat ko'rsatmoqdalar.

Men bugun viloyatimizdagi fidoyi ustozlardan faqatgina bir nafari haqida so'z yuritdim, xolos. Bundaylar juda ko'p bizda. Inonmasangiz, mehmonga keling, ko'ring, ular bilan tanishing.

M. HALIMOV,
maktab direktori.



SOG'INCH

Onam menga juda g'amxo'r edilar. Volidamda hamma yaxshi fazilatlar mujassam edi. Taqdir ekan, g'amxo'rimdan juda erta ayrildim. Bu fojia meni karaxt qilib qo'ygandi. Men otamning yana oila qurishlarini istamas edim, biroq buni hech kimga bildirmay yurardim. Bir yil o'tdi. To'satdan allanarsa yozilgan bir yon daftarga ko'zim tushdi. Uni olib varaqlay boshladim. To'g'ri, men unda yozilgan yozuvlarni o'qiy olmasdim, ammo «O'qishni o'rganib olganimdan so'ng o'qiyman», deb asrab qo'ydim. Nihoyat men qo'limda gullar bilan maktabga qadam bosdim. Men juda ham kamgap, xayolparast edim. Otamning noroziliklariga qaramay buvim ularni uylantirdilar. Otamning to'y kunidagi xomushliklarini ko'rib, o'zimni aybdordek his qildim. To'y o'tdi. Kelinchak juda chiroyli, mehribon edi. U menga bora-bora yoqa boshladi. Keyin esa biz ona-boladek bo'lib qoldik. Bir kuni yoshligimda topib olgan daftarcha yodimga tushdi va uni qidirishga tushdim. U onamning sandiqlari ichida edi. O'sha kuni tun bo'yi onamni qo'msab, ularni o'ylab chiqdim. Bu sog'inch vujudimni qamrab olgandi. Ko'zimdan esa juda achchiq yosh tomchilari oqardi. Shu payt kimdir xonamning eshigini ochib kirdi. Bu mening opam edilar, yig'layotganimni ko'rib sababini so'radilar, indamadim. Opam o'zlarining mehnatkash qo'llari bilan mening boshimni siladilar. Shunda onam boshimni silagandek tuyuldi. Ularning so'zlari meni allalagandek edi. Shunda ularning menga bo'lgan mehrlarini qalban his qildim. Daftarcha o'shal sandiqda o'qilmay qoldi. Garchi inson qalbi qattiq jarohatlangan bo'lsa, unga ona mehri orom bag'ishlaydi. Men bu mehri opamdan qayta topgandek bo'ldim. Opajon, men va ukalarimning baxtiga doimo sog' bo'lishingizni Ollohdan so'rab qolaman.

Fariza ZOKIROVA,
7- «A» sinf o'quvchisi.

KAMALAK

Bahorning mayin yomg'iridan so'ng, Maysalar yuzidan yuvildi g'ubor. Adirlar bag'rida o'sgan binafsha, Boshini egadi qilgandek u or.

Beg'ubor osmon uzra do'stlarim, Yoyilibdi fusunkor, go'zal kamalak. Uning betakror, rangin ranglari, Hayot sirlarin aytar ey falak.

Kimningdir ko'ngli mehrga muhtoj, Ko'p himmat bordir bir shirin so'zda. Kimdir to'yandir dunyo ishidan, Bularning barini men ko'rdim senda.

BARG

Daraxt shoxida qurigan bargning, Taqdiri o'xshar inson umriga. Uning ilk kurtak yozishi esa, Odamzod yoshligin soladi esga.

Haqiqat bilan yashagin, faqat, Birovning ishini sen qilgin oson. Adolat bo'lsin sening yo'ldoshing, Yomonlik yo'ldan borma, ey-inson.

Berilgan umringni sarflagin doim, Yaxshilik, saxiylik qilmoqqa do'stim. Yomonlikni o'zingga ep ko'rsang agar, Nomingga qora dog' qo'nadi, do'stim.

Sherzod NARZIYEV,
7- «A» sinf o'quvchisi.

TENGDOSHLARING UYI

Navqiron va go'zal Navoiy shahrining bir go'shasida joylashgan 15-o'rta maktab o'quvchilari ham «Tong yulduzi» gazetasining har bir sonini maroq bilan o'qib borishadi. Maktabimizda ijodkor o'quvchilarga katta e'tibor beriladi. Yaqinda «Iqtidorli bolalar - oramizda» mavzusida ko'rik-tanlov bo'lib o'tdi. Maktabda ish olib borayotgan «Yosh qalamkashlar» to'garagining har bir qatnashchisi ko'rik-tanlovda o'z ijodlari bilan qatnashib, ko'pchilikning tahsiniga sazovor bo'lishdi.

O'quvchilarimiz erkin, mustaqil fikrlamoqda. Bu jajjigina, lekin fikrlar, hislar, tuyg'ular bilan limmo-lim to'lgan qalb egalarining ijodi bilan Siz ham tanishib chiqing.

G. R. HOTAMOVA,
Navoiy shahridagi S.P.Korolyov nomli maktabning ona tili va adabiyot fani o'qituvchisi.

Tabiat! Naqadar sehrli so'z!
Bu so'zni eshitishim bilanoq,
jajji yuragimda allaqanday his

inson uni ko'z bilan emas, balki
qalbidagi g'urur bilan his etishi
lozim. Bir-biridan chiroyli

TABIAT QO'YNIIDA

uyg'onadi. Uni qo'lga qalam olib yoki sehrli so'zlar bilan ifoda etishga til ham ojizdir. Tabiat qo'ynida sayr qilib yurganingda, ayniqsa, tog'lar bag'rini kuzatganingda o'zgacha orom olasan kishi. Tog' atroflarini, uning sharqirab oqayotgan zilol suvlarini, o'rmonlarini va o'tlab yurgan hayvonlar to'dasini kuzatishni katta baxt deb o'ylayman. Tabiatni maroq bilan kuzatganingda uning sirli olam husniga hech narsa teng kelolmasligini ko'ra olasan. Tabiatni kuzatayotgan har bir

gullarning xushbo'y hidi kishini mast qilib qo'yadi. Jajjigina qushchalarning shoxdan-shoxga qo'nib, quvnoq qo'shiq aytishlari, suvlarning shiddat bilan sharqirab oqishi insonni o'ychan xayollarga qamrab tashlaydi. Maysalarning senga qarab, nozik termulib turishi allanimalarni pichirlayotgandek tuyuladi. Tog'lardagi mujassam bo'lgan qushlar, o'simliklar, hayvonlar kishini tabiatga yanada ezguliklar bilan qarashga chorlaydi.

Kamola XALILOVA,
6- «A» sinf o'quvchisi.



Nafisa Vohidova,
6- «A» sinf o'quvchisi.

Ular tabiatning g'amxo'rligidan xursand bo'lishadi.

Ona-tabiatni himoya qilish - bu biz yoshlarning vazifamizdir. Atrof-muhitning tozaligiga, uning ozodaligiga kattalar qatori bizlar ham o'zimizning hissamizni qo'shishimiz

lozimdir.

Yurtimning tabiati, uning go'zal manzaralari har bir insonni o'zgacha hayratlantiradi. Uning viqorli tog'lari, guldand-gulga sakrab o'ynagan kapalaklari, yam-yashil o'tloqzorlari, husnga va chiroyga boy gullari naqadar tarovatli va fusunkordir.

Nilufar NIZOMOVA,
6- «A» sinf o'quvchisi.

Yurtimning tabiati, uning yer osti va yer usti boyliklari albatta har bir insonning diliga VATAN muhabbatini soladi. Uning bu go'zal va maftunkor manzaralarini yozishda qalam, aytishga esa til ojizlik qiladi. Uning ko'm-ko'k tog'lari, lolalarga boy qirlari inson uchun jonli bir kitobdir. Tabiatning ezma yomg'irlari, oppoq paxtadek qorlari, osmondan pastga qarab dumalagan do'llariyu insonni larzaga keltiradigan to'fonlari, chaqmoqlari ham insonga tabiatning bir bo'laki ekanligini his qilishni o'rgatadi. Maftunkor va husnkor tabiatimizning to'rt fasli, to'rt xil manzaraga boyligi, uning go'zalligi va ajoyibligidan

dalolatdir. Kumush qish o'zining oppoq va beg'ubor qorlari bilan, bahor esa tabiatning qayta uyg'onganligi bilan, yoz.

o'zining shirin-shakar lazzatga boy mevalari bilan, kuz o'zining xazonlari, to'zitgan shamollari bilan hammani o'ziga jalb qilishi, bir-biridan maqtangisi, bir-biridan ustun ekanligini isbotlagisi keladi. Lekin ularning hammasi o'zgacha sehriga, o'zgacha go'zallikka boydir. Shunisi ham borki ularning hammasi tarovatli, jilokorligi bilan shoir qalamida jonlanadi, unga ilhom bag'ishlaydi. Osmonning beg'uborligini, zilol suvning shifobaxshligini, daraxtlar barglarining shitirlashini, qushlarning samoda erkin parvoz qilishini tabiatda kuzatganmisiz?

HAYOTIMIZ IBEZAGI



Шахризода: Азиз, қорақўз болажонлар мен сизларга 2002 эртагимни сўзламоқчиман. Диққат билан қулоқ тутинг-а. Менинг ушбу эртагимда саргузаштлар, қизи-

қарли ўйинлар, қўшиқлар ва рақслар ўрин олган.

“Бир бор экан, бир йўқ экан. Қадимда эмас, ҳозирги замонда “Сезам”

SHAHRIZODANING 2002- "SEZAM" ERTAGI

деган ажойиб гуруҳ бор экан. У хазинага тўла кунжут донасига ўшаркан. Кунжут очилган сайин ичидан жавоҳирлар қайнаб чиқаркан.

Бир кўзли Хасан қароқчи: “Нима, жавоҳирлар? Улар меники, фақат меники бўлиши керак. Ҳозир “Сезам”ни ўмараман.

Шахризода: “Бекорларни

айтибсан, Хасан қароқчи, “Сезам” ва унинг мухлислари сенга ҳам, Шайтонча-ю Жинга ҳам бўш келишмайди. Улар қувноқ қўшиқлари ва сеҳрли сўзлари билан сизларни даврдан қувиб чиқаришади. Анаву аждарҳо эса болалар билан бирга рақсга тушмоқчи. Пикачу барчага завқ улашмоқчи. Қорбобо ва қорқиз бошчилигида ўйинкулгини давом эттири-

шади”...

Ҳақиқатан ҳам “Империа” клубида ҳақиқий базму жамшид бўлди. Газетамизнинг аввалги сониди эълон қилинган байрам дастурини ўқиб, кечага борган ўқувчилар гапимни исботлашлари мумкин. Эпчил ва чаққон болажонлар арқон тортишишиди, мерганлари мўлжалга халқа туширишиди, топқирлари жумбоқларни ечишиди. Қўшиқлар авжига чиққанда наинки болалар, балки ота-оналар ҳам рақсга тушишиди.

Келинг сизни “Сезам” билан таништирай. “Сезам” гуруҳи 1997 йили Тошкент шаҳар, Юнусобод тумани

Қўшимча таълим мажмуасида бадиий ва мусиқа раҳбари Елена Зоки-

рова бошчилигида вужудга келди. Гуруҳга беш ёшдан ўн бир ёшгача бўлган иқтидорли 16 нафар болалар жамланган. Ранг-баранг репертуарни ҳосил қилувчи ўттиз иккита қўшиқлар таниқли бастакорлар Алишер Икромов, Дони Илёсов, Вағиф Зокиров, Руслан Шарипов ва шоир Иброҳим Жияновлар томонидан яратилган. Бугунга қадар гуруҳ 40дан зиёд концерт беришди. Ҳаттоки ўзбек эстрада юлдузлари ўз концерт дастурларини очиб беришда “Сезам”ни таклиф қилишади. Болалар кийимкечагининг кўрғазмасида, ойнаи жаҳон орқали намоиш этилган “Юлдузча” замонавий болалар қўшиқлари танловида фахрий ўринларга сазовор бўлган. Шоу-номерга айланиб кетаётган дастурлар устида бадиий раҳбар тинмай меҳнат қилади ва болаларни меҳнат қилишга ундайди.



SEZAM

XAZINAGA TO'LA

KUNJUT

DONASI

Елена ЗОКИРОВА: “Мен болажонларни сахнада қимтинмай, уялмай, эркин туришларини, ҳаракатлари ишончли ва маъноли чиқишини истайман. Бунинг учун кўп машқ қиламиз. Яхши натижа кўрганимдан кейин кўнглим жойига тушади. Катнашчиларнинг кийимларини, эртақ қахрамоноларини ўзимиз тикамиз. Бунда чеваримиз Нодида опа бизга катта маслаҳатчилар

Мана, яқинда жуда катта иш

қилдик. “Сезам” ижросидаги қўшиқлар матни ва нотаси туширилган рангли тасвирдаги китобча нашр этиб, қўшиқлар ёзилган аудио кассета чиқардик.

Яқин кунларда сотув пенхтакталарининг кўрки бўлса ажаб эмас. Нотали китобча чиқаришимиздан мақсад боғчалар, мактаблар, мусикий ташкилотлар доимо замонавий болалар қўшиқларига эҳтиёж сезади. Матни билишса, нота билишмайди. Нота топилса унга мос матн бўлмайди. Хуллас муаммоларни озмунча бўлса-да ҳал қила олишимиздан мамнунман. Бу китобча билан эрталиклар, талбирлар, кечалар уюштиришса бўлади. Барча бизнинг “Сезам”га жўр бўлишди”.



Гўзал РАХИМОВА.



Шероза АЛИЕВА.



Хуршида НАЗИРОВА.



Ирина СЕМИДОНСКАЯ.



Моҳмур НАРЗУЛЛАЕВА.



Нигора ХУЖАМҚУЛОВА.



Аваз ИСАМУХАМЕДОВ.



Сабина АЛИЕВА.



Нозима ХАМРОЕВА.



Юлдуз АШУРОВА.



Нахида НУРМУХАМЕДОВА.



Зебо ТУХТАСИМОВА.



SHAYTONCHA



I. Jiyonov so'zi
V. Zokirov kuyi.

Нақорат

У шўхлик қилади,
Рақсга тушади.
Қўшиқлар айтади,
У кимга ўхшайди?

Буни ҳеч ким билмас,
Бу қизча жим юрмас.
Буни ҳеч ким билмас,
Бу қизча жим юрмас.

Ким айтади,
Бу қизчани деб -
Шайтонча?
Ҳар ишда ҳаммадан зўр
Бу -шайтонча!

Қўғирчоқ ўйнайди,
Дарсни ҳам қўймайди.
Арзимас нарсига,
У хафа бўлмайди.

Ҳеч кимни тинч қўймас,
Шўхлик қилиб тўймас.
Ҳеч кимни тинч қўймас,
Шўхлик қилиб тўймас.

Бу қизча жим юрмас,
Ҳеч кимга ўхшамас.
Бу қизча жим юрмас,
Ҳеч кимга ўхшамас.

Муҳаррама ПИРМАТОВА

QUTLUG' YOSHJINGIZ MUBORAK BUVIYON

Qutlov

Inson umri davomida shukronalik bilan yashasa, uzoq umr ko'rar emish. Mening buviyonim ham ana shulardan. Ular shu y o s h g a chiqqunlarigacha nene mashaqqatlarni tortmadilar. Olti nafar qorako'zlari otalaridan erta judo bo'lishganda ularni o'stirdilar, tarbiya berib, ham ona ham ota bo'ldilar. Lekin hech ham nolimadilar. Shuning uchun hamki mana 77 yoshga to'lib, chekkan azoblari unutilib farzandlar rohatini ko'rmoqdalar.



Biz buvimning qutlug' yoshlari bilan tabriklaganimizda ularni ko'zlaridan tomchi-tomchi yoshlar sizilib chiqdi. Albatta, bu ko'z yoshlar baxt, quvonch yoshlari edi. Buvimni hamma yaxshi ko'radi, hurmat qiladi. Ular juda ham tetiklar, 22 nevara, 3 evaraning buvisi

bo'lib o'tiribdilar. Biz buviyonimizni chin dildan yaxshi ko'ramiz. Ayniqsa, men ularning ajin tushgan yuzlaridan o'pishni, ularni quchoqlab to'yib-to'yib hidlashni, yumshoq qo'llarini silashni juda yaxshi ko'raman. Men buviyonimni dunyodagi eng iliq quyoshdan ham, daryodagi tiniq suvdan ham, tildagi eng shirin boldan ham yaxshi ko'raman. Men ularni quyosh kabi so'nmasliklarini, yulduz kabi yaraqlab turishlarini, tog' kabi mahkam chidamli bo'lishlarini tilab qolaman. Bilingki, sizni nevarangiz Samixa o'la o'lguncha jonidan aziz ko'radi. Tug'ilgan kuningiz qutlug' bo'lsin, aziz buviyonim.

Toshkent shahri, Pedagogika kollejida tahsil oluvchi
Nevarangiz SAMIXA.

ORZULARIM PARVOZGA SHAY




So'lim poytaxtimizda 20-dekabr kuni ajoyib bir tantana o'tkazildi. Shu kuni Toshkent aviatsiya klubida respublikamizning turli viloyatlaridan o'quvchi yoshlar tashrif buyurishdi. Ular O'zbekiston aviakompaniyasi tashkil topganining 10 yilligi

munosabati bilan o'tkazilgan radiotanlov g'oliblari va sovrindorlaridir.

Ular aviatsiya haqidagi fikr-mulohazalarini «Orzularim parvozda mening» mavzusidagi insholarda bayon etganlar. Bu narsa o'quvchilarimizni yurtimiz taraqqiyoti, uning ravnaqi yo'lidagi ijobiy o'zgarishlariga befarq emasliklarini, nechog'li qiziquvchan ekanliklarini ko'rsatdi. G'oliblar qimmatbaho sovg'alar bilan taqdirlandilar. Ular haqida ajoyib so'zlar aytili. O'zbekiston aviakompaniyasi vakili Sattor Ali Qurbonovni tanlov ishtirokchilari haqidagi alohida mulohazalari ishtirokchilarni to'liqlantirib yubordi. Buxorolik ishtirokchi Po'latov Azimning aviatsiya haqida mukammal yoritishga harakat qilganligi diqqatga sazovor bo'lgan bo'lsa, Ruhsora Shodmonovanning inshosida samimiylilik, xolis fikr, qishloq bolalariga xos beg'ubor tuyg'u, munosabatlarning ifodalanganligi alohida ta'kidlandi. Qiziquvchan yoshlarimizni aviatsiya sohasi bilan yanada yaqinroq tanishishlari maqsadida aviatsiya olamiga sayohat uyushtirildi. Bu tanishuvdan ular olam-olam taassurotlar bilan qaytishdi. Bundan keyin aviatsiyamiz kelajagi Ruhsora Shodmonova hamda A'zimjondek o'g'il-qizlarimiz qo'lida ekanligi ta'kidlanganda aviatsiyamiz haqidagi inshoda qatnashgan g'olib o'quvchilarimiz ruhlari bundanda ko'tarildi.

Biz kelajakda ana shunday ajoyib o'quvchilarimizga yuksak omadlar tilab qolamiz.

Maftuna ESONOVA,
Sirg'ali tumanidagi 3-o'rta maktabning
7- «A» sinf o'quvchisi.



Yosh cholg'uchiga musiqa maktabiga
eltuvchi to'g'ri yo'lni topishiga ko'maklashing.



Yangi yilda bezanadi,
Archalarning barchasi.
Qarang, qanday chiroyli-ya,
Avazbekning archasi.

DALDA

Esimni taniganimdan beri she'r mashq qilaman. Ona tili va adabiyot fani o'qituvchim Niyozmuhammad Panjiyevning ko'maklari o'laroq she'rlarimdagi ayrim juz'iy xatolarni tuzatardim. Ayniqsa ilk namunalarim tuman gazetasida chop etilgani menga juda katta dalda bo'ldi. O'zinga ishonishingma yordamlashdi. «Yosh qalamkashlar» to'garagi mening sevimli mashg'ulotim. She'rimni o'qib siz ham baho bering, azizlar.



BOBOMNING CHORBOG'IDA

Har yil bir bor boraman,
Yozgi ta'til chog'ida.
Miriqib dam olaman,
Bobomning chorbog'ida.

Bodom, o'rik, olmalar,
Oftobda tovlanadi.
Jilvalanib har biri,
Ko'zlarim nurlanadi.

Xushmanzara bu bog'ni,
Bobom o'zi yaratgan.
Parvarishlab niholni,
Chin mehrini qaratgan.

Tog'nikidan qolishmas,
Bog'imizning havosi.
Bog' ichini qamragan,
Bulbul, chittak navosi.

DO'STLIKNI SHIOR QIL

Yaxshiga tosh otmagin,
Sen do'stlikni shior qil.
Gunohlarga botmagin,
Sen do'stlikni shior qil.

Yurma shayton yo'lidan,
Tutma nokas qo'lidan.
Uzma qalblar gulidan,
Sen do'stlikni shior qil.

Ezgulikni kuylagan,
Haqiqatni so'ylagan.
Oxirating o'ylagan,
Sen do'stlikni shior qil.

Nodir TO'RAYEV,
Qashqadaryo viloyati, Usmon
Yusupov tumani, Jeynov
qishlog'idagi litsey-internat
o'quvchisi.

SAFDOSHINGIZMAN

Ha, men chin ma'nodagi safdoshingizman. Nega deb ajablanyapsizmi? Chunki men ham sizlar kabi ijod sohibasi bo'lish istagidaman. Biroq ketma-ket jo'natgan sakkizta xatim javobsiz qoldi. Bunisi esa to'qqizinchisi. Iltimos, hech bo'lmasa o'z munosabatingizni bildirsangiz. Bu she'rlarim ilgarilaridan ancha puxta deb o'ylayman.



«TONG YULDUZI»

Ma'nolisan «Tong yulduzi»,
Sahifang ochdim bir kun.
Bizlar uchun ong yulduzi,
Qoyilman endi bugun.

Biz kelajak poydevori,
Kecha-yu kunduzimiz.
Fikrimizni charxlayotgan,
Bizning «Tong yulduzi»miz.

MUALLIM

Mehr bergin desa, mehr beradi,
Sehr bergin desa, sehr beradi.
Mashaqqat bilan u beradi ta'lim,
Biz uchun muqaddas, aziz muallim.

Mayli, siz-la o'tsin umrim, har onim,
Mayli sizga bo'lsin shu aziz jonim.
Sizning so'zingiz-la o'sib, ulg'aydim,
Ta'zim sizga, ey mehribon muallim.

Ko'zimning gavhari ota-onamdir,
Qorachig'im esa o'zingiz - ustoz.
Ko'zimni ochgan ham sizsiz muallim,
Qancha hurmat qilsam baribir ham oz.

Ma'rifat TEMIROVA,
Qashqadaryo viloyati, Shahrisabz tumani, Miraki
shaharchasidagi
2-Huquq va Iqtisod asoslari litsey
internatining 8-sinf o'quvchisi.

SO'ZLI TOPISHMOQLAR

Shunday so'zli topishmoqlar o'ylab topilganki, bularga anagramma, logograf, metagramma, sharada kabi xilma-xil jumboqlar kiradi. Ulardagi umumiy o'xshashlik aynan keltirilgan yoki ta'rifi bayon etilgan so'zni topib, shu so'z asosida boshqa ma'nodagi yangi bir so'z hosil qilishdir. Har bir turdagi topishmoq turi o'ziga xos tuzilishi va hal etilishi bilan qiziqarli.

ANAGRAMMA

Anagramma - grekcha - «ana» - o'zgartirib, almashtirib, «gramma» - yozuv ma'nosini anglatadi. Anagramma berilgan so'zni teskarisiga o'qish yoki harflar o'rnini almashtirib, yangi mustaqil so'z hosil qilish bilan hal etiladi. Anagrammani

eramizdan avvalgi III asrda qadimgi yunon grammatigi Likofron o'ylab

topgan deb, hisoblanadi. Masalan, «Naf» teskarisiga o'qilsa, «Fan» bo'ladi. «Faraz» so'zidagi harflar o'zni almashtirilsa, «Zafar» so'zi kelib chiqadi.

Quyida berilgan so'zlardan boshqa ma'nodagi so'zlar hosil qiling-chi:

Zar, Shona, Chang, Urug', Ko'za, Holva, Taroq, Chayla, Oltin, Sadaf.

Anagramma savol tarzida ham berilishi mumkin. Bunda u ikki qismda aks etadi, avval birinchi so'z yoki nom ta'rifi bayon etilib, keyin shu so'zdagi harflar o'zni almashtirilgandan so'ng kelib chiqadigan so'z ifodalab berilgan bo'ladi.

Masalan, O'zbekiston janubidagi shahar. She'riy

to'plam.

Anagramma she'riy yo'lda ham bayon etilishi mumkin.

Endi quyidagi anagrammalar javobini toping.

Nomdoshdir u daryoga, Afrika mamlakati.

Harflar o'zni almashsa, Respublikamiz shahri.

Zangori olov koni, O'zbekiston shuhrati. Almashsa bosh harf o'zni, O'qirsan raqs nomini.

Qon tomiriga nomdosh, Qadimiy poytaxt shahar. Bir harfni almashtirsang, Daryo bo'lib u jo'shar.

O'g'il bolalar ismi, Udir Afrika yurti. Bo'g'in o'rin almashsa Bo'lur davlat poytaxti.

Foziljon
ORIPOV.

1. Usta Qulmat qaysi o'zbek xalq shoirining ijod mahsuli?

A. Anvar Obidjon

B. Anbar Otin
C. Abdulla Qodiriy
D. Avaz O'tar

2. Dunyoda eng uzun tunel qaysi davlatda qurilgan?

A. Yaponiya
B. Xitoy
C. Uevropa
D. Italiya

E. Irlandiya
3. Amir Temurning validasini ismi?

A. Tegin begim
B. Omina begim
C. Odina begim
D. Nodira begim

4. Sharq Arastusi nomini olgan mashhur alloma.

A. Farobiy
B. Termiziy
C. Buxoriy
D. Ibn Sino

E. Amir Temur
5. Sport malikasi nomini olgan sport turi?

A. Yengil atletika
B. Tennis
C. Voleybol

D. Futbol
6. «Shum bola» filmining rejissyori?

A. Damir Salimov
B. Zulfiqor Musoqov
C. Melis Abzalov
D. Aziz Qayumov

7. AQSH hududidagi eng katta shtat?

A. Alyaska
B. Arizona
C. Panama
D. Luksemburg

8. Barbados Respublikasi poytaxti?

A. Brijstaun
B. Sofiya
C. Xanoy
D. Dublin

E. Belgrad
9. Italiya milliy taomi?

A. Spagetti
B. Chuchvara
C. Palov
D. Do'lma

10. Nobel mukofoti ilk bor qachon topshirilgan?

A. 1901 yil
B. 1903 yil
C. 1899 yil
D. 1666 yil

Bolalar, testga to'g'ri javob yo'llasangiz, «Zakovat» ko'rsatuvining maxsus sovg'alari sizniki bo'ladi.

Xatingizni

Shodiya

ABDULLAYEVAga deb yozing.

Dunyodagi eng kichkina otni Argentinada uchratish mumkin. U tovuqdan ozgina balandroq bo'lib, og'irligi 36 kilogramm.

Eng katta botinka «yubiley boshmog'i» bo'lib (bu uning nomi), u 1887 yilda ko'rgazmaga qo'yilgan. Uning og'irligi 37 kilogramm, uzunligi esa 1 metr. U

L o n d o n d a

O'QI QIZIQ

tayyorlangan.

Saturn o'z hajmiga ko'ra (xalqasi bilan birga) Yerdan 758 marta katta bo'lsa-da, u planetamizdan 95 marta og'ir.

Eng uzun jonivor lentasimon chuvalchang bo'lib, Shimoliy dengiz qirg'oqlaridan topilgan. Uning uzunligi 54 metr. 90 santimetrga borgan.

Feruza OBIDOVA,

Yangiyo'l tumanidagi 2- o'rta maktabning
9- «G» sinf o'quvchisi.

Aziz dugonalar! Mana sizning e'tiboringizda yana «Ochil dasturxon» sahifasi. O'ylaymanki, ushbu sahifa orqali siz oz bo'lsa-da, p a z a n d a l i k sirlarini o'rganib bormoqdasiz. Mana bugun ham men sizga juda mazali, dasturxoningiz ko'rkiga aylanuvchi tortni tayyorlanish sirlarini o'rgataman. Bu tortning nomi «Plombir» bo'lib, u juda ham mazali.

Masallqlar: 11 ta tuxum, 1 piyola shakar va 1 piyola qand upasi, 200 gr. qaymoq, 1 piyola un, 200 gr. sariyog', 1 piyola yong'oq.

Tayyorlanishi: 6 ta tuxum, 1 piyola shakar va 1 piyola un solib, biskvit xamir

qoriladi. Gaz patnisi yog'lanib, biskvit bir qoshiqdan quyilib



qizib turgan gaz duxovkasida pishirib olinadi.

Kremi: 200 gr. qaymoq, qand upasi va 5 ta tuxum sarig'i aralashtiriladi. Boshqa tog'orachada 200 gr. sariyog'

ko'pirtirilib, yuqorida tayyorlangan qaymoqli masalliq sekin-astalik bilan solinadi. Krem quyilgach oxirida 1 piyola yong'oq solinadi.

Pishirib olgan biskvit xamirimizni patniga yoki kattaroq likopchaga 4 donasini teramiz va krem surtamiz, shu tariqa biskvit va krem tugaguncha terib boramiz. Tortimiz tayyor bo'lgandan so'ng ustidagi krem tekislanib, maydalangan yong'oq sepiladi, xohlasangiz shokoladni maydalab sepishingiz mumkin.

Bu tortimiz bayram dasturxonimizning ko'rkiga ko'rk qo'shadi. Yoqimli ishtaha.

Shahlo MUTALOVA.

Q a d i m - q a d i m zamonda Shosh degan joyda podshoning yolg'iz barno qizi bo'lgan ekan. U voyaga yetib, turmushga bermoqchi bo'libdi. Podsho xalqqa jar solib, qizini kebatli, hunarli va aqlli yigitga bermoqchi ekanligini ma'lum qilibdi. O'zini aqlli va hunarmand deb bilgan yigitlar podsho saroyiga kela boshlabdi.

Podshoning qizi kelgan yigitlarga qirg ko'rpa berib, odam k a m d a n - k a m boradigan toqqa yuboribdi. Qiz ularga: «Agar kimda-kim shu tog'dan sog'-salomat kelsa shunga turmushga chiqaman» deb shart qo'yibdi. Biroq, u tog'dan hech kim sog' qaytmabdi.

Kunlardan bir kun yupun kiyingan, o'zi sarvqomat, bir kambag'al yigit kelibdi. «Qayoqqa, nimaga kelding?» deb so'raganlarga, u:

«Podshoning qizidan men ham umidvorman», deb javob beribdi. Uni eshitganlar kulishib: «Boyaqish bola, sen ham bekorga tog'da muzlab o'lasan-ku», deyishibdi.

Shunday qilib, yigit podsho saroyiga kelibdi. Qiz unga ham qirg ko'rpa beribdi. Yigit toqqa borib, o'ttiz to'qqiz ko'rpani ostiga to'shab, bir ko'rpani ustiga yopib, ertasiga sog'-salomat podsho saroyiga kelibdi.

Podsho hayron bo'lib: «Sen qanday qolding?», - deb so'rabdi. Shunda yigit: «Men o'ttiz to'qqiz ko'rpani tagimga solib, bir ko'rpani yopinib yotdim. Shuning uchun sog'-salomat keldim. Butun borganlar esa, bir ko'rpani tagiga solib o'ttiz to'qqiz ko'rpaga yopinib yotishgan. Tagidan o'tgan sovuqdan ular kasal bo'lishgan», debdi. Shunday qilib, ahliga vafodor podsho kambag'al yigitga o'ttiz kun o'yin, qirg kun to'y qilib, qizini bergan ekan.

Qidirbov TO'LABOYEV



ISTIQLOL

Men baxtiyor avlodman,
Bayot berdi istiqlool.
Unutilgan tilimga,
Hayot berdi istiqlool.

Yurtga qaytdi bobolar,
Baland bo'ldi ruhimiz.
Tiklandi obidalar,
Tiklandi tariximiz.

Meni ozod, tilimni,
Burro qildi istiqlool.
Dunyolarning ichinda
Dunyo qildi istiqlool.

Sohiba XO'JAYOROVA,
Toshkent shahar ijtimoiy
yo'nalishdagi Respublika
maxsus gimnaziyaning
9- «YE» sinf o'quvchisi.

Marsellik lofchi:

-Bir kuni shunday katta baliq
tutdimki, uni suvdan tortib olish
uchun 10 kishi kerak bo'ldi.

Bordolik lofchi:

-Men, men-chi, bir kuni

Marsellik lofchi:

-Iya, voy... Shu ham
qo'ziqorin bo'libdi-mi, og'ayni!
Bizda o'sha siz aytgan dublar
qo'ziqorinlarning tagida o'sadi.
Mana buni qo'ziqorin deydi.

LOFCHILAR



XXX

Marsellik lofchi:

Garov o'ynab aytamanki,
hech kim menchalik uzoqni
yaxshi ko'ra olmaydi.
Masalan, men hozir shu
yerdan ko'rib cherkov
qo'ng'iroq xonasining
tepasida uchib yurgan
pashshani ko'rib
turibman.

Bordolik lofchi:

-Men pashshani
ko'ribgina qolmay, hatto uning
qanotlari chiqarayotgan
tovushni juda yaxshi eshitib
turibman.

chunonon ulkan baliq tutib
oldimki, uni dengizdan tortib
olganimga, dengizning suvi naq
1 metrga kamaydi-ya.

XXX


Bordolik lofchi:

-Bilasizmi, do'stim! Bizda-chi,
qo'ziqorinlar, dub daraxtiga
o'xshab, juda baland o'sadi.

Munisa MUSAYEVA
to'pladi.
Toshkentdagi
15- maktabning
5- sinf o'quvchisi.

Qudratli va dahshatli Sher
bugun ham har galgidek
Zebrani huzur qilib g'ajiyotgan
edi. Lekin shu orada, uning
halovatini buzib, Yo'lbars va
Qoplonning irillagan tovushlari
eshitildi.

Sherxon **UXLAGAN SHERNI KO'RDIM.**
irg'ib o'rnidan
turdi. Yon-atrofga vajohatli
qarab, o'zini himoya qilishga
shaylandi. Qoplon
Sherini bu holatda
ko'rib, orqasiga
qaramay
qochdi. Ammo
Yo'lbars



o'z shashtidan qaytmadi.
Sherxon baland bo'yli,
baquvvat, jangga shay, Yo'lbars
ham chakki emasdi.

Yo'lbars Sherni dast ko'tarib,
yerga urdi. Sherxon ham



bir necha daqiqadan
so'ng uni saranjom qilib qo'ydi.
Sher o'zini g'olib deb his qildi...
Sherxon juda charchagan edi,
shuning uchun ham uxlab
qoldi.

Bunyod MIRSOATOV,
Toshkent viloyati,
Pskent shahri.

harakat qildi, lekin har gal
Yo'lbars g'olib chiqardi.
Shunday qilib Sher oxirgi kuchini
yig'ib, Yo'lbarsni
tomog'idan
tishlab siltadi va

Uyda yolg'iz o'zim qolganman.
Xonalarni yig'ishtiradigan vaqt
bo'ldi, chamasi.

Qo'limga supurgi
olib, asta-sekin
supura
boshladim.
Kichikina
emasmanmi,
bo'yim supurgidan
bir oz baland, o'zim
nozikkanaman. Shu payt
tashqaridan kimningdir
«kartishka sotama-an»
degan ovozi eshitildi. Men
esa o'zimga o'zim
«Qaniydi, malika
bo'lsaydim, beva-
bechoralarga tekin
ovqat, kiyim-
kechak
ulashardim», dedim.
Birdan o'zimni
malikalardek his qila
boshladim. Supurgini qo'ydimu
mulozimlarimga farmon berdim.



Uyi yo'qqa uy, ishi yo'qqa ish,
kiyimi yo'qqa kiyim, ovqati yo'qqa
ovqat va boshqa narsalar
tarqatishni amr etdim.
Mulozimlarim yo'qligini ko'rib,
narigi tarafga o'tib, qo'limni

BO'LA PODSHO

ko'ksimga qo'ydim va xuddi
vazirlardek itoatkorlik bilan
«Xo'p bo'ladi, malikam»,
dedim boshimni egib.

«Birorta fuqaroning
noliganini eshitmay», dedim
yana joyimga turib olib
g'urur-la. Bir payt
supurgiga ko'zim
tushdi. «Oqsoch, tezroq
supur», dedim yana. Endi oqsoch
bo'lib uyni yig'ishtira ketdim.

- Malikam, g'aznachi arz qilib
kelibdi, - dedim xizmatchilardan biri
bo'lib.

- Kirsin, - javob berdim malika
sifatida. Shunda g'aznachi: «Bu
ahvolda xazina bo'shab qoladi»,
deya shikoyat qildi. Albatta

g'aznachi ham o'zim edim, kuyib-
pishib malikaning g'azabidan
qo'rqib gapira ketdim.

- Bu mamlakatning ham,
xazinaning ham malikasi men
bo'laman, - sal jahlim chiqqandek
qoshimni chimirdim men. - Bor, sen
o'z vazifangni bajar, - deya jo'natib
yubordim uni ham. «Sen tezroq
saroyini yig'ishtir!» - deya
qo'limga supurgini olib supura
ketdim.

QISH

Qish keldi o'lkamizga,
Sovuq havo hukmron.
Qor yog'ar guppa-guppa,
Misoli oppoq upa.

YULDUZLAR

Jilmayadi yulduzlar,
Osmondan yerga asta.
Milt-milt yonar, qamashar,
Ko'zing, diling payvasta.

Diyora UMAROVA,
Toshkent shahri,
Yunusobod tumanidagi
70- maktabning
4- sinf o'quvchisi.

UCHSO'ZLAR

Koptok, bulut, odob.

Olamda osmon quyoshni kun va
tun ko'kning maydonida
koptokdek o'ynaydilar va gohida
uni qora bulutning zulmatiga
chirmab tashlaydilar, aytmoqchi
bo'lganim shuki, inson jismidagi
odob quyoshi hech qachon aql va
tubanlik orasida sarson bo'lmay
doimo vijdon osmonini yoritib
tursin.

Ko'prik, sahro, sholg'om.

Sizga qandoq bilmadimu ammo
mening nazarimda odamzod
dunyoga kelib, ikki eshik orasidagi
ko'prikdan o'tib borar ekan, unga
yo taqdirning jazirama sahosida
sholg'omdek sarg'ayish yo hayot
gulshanida bir gul bo'lib ochilish
nasib etsa-da, buni u o'z
peshonasiga oldindan yozib
qo'yilgan bitik deb biladi.

Tosh, daryo, fil.

Samo o'zini olamning tomidek
ko'rsatsa-yu unda oyning yorug'i
va oftob tafti bo'lmasa, dengiz
qanchalik chuqur va keng bo'lsa-
yu lek daryochalik suvi bo'lmasa
va nihoyat inson fildek gavdaga
ega bo'lsa-yu ongli bo'lmasa,
hayotni mazmun mohiyatsiz
hisoblayvering.

Rohatoy HUSANOVA,
Alisher Navoiy nomidagi
Respublika Nafis
san'at litseyining
9- «YE» sinf o'quvchisi.

O'zbekiston bolalari va o'smirlarining gazetasi

Muassislar:
**O'ZBEKISTON
RESPUBLIKASI
DAVLAT MATBUOT
QO'MITASI,
O'ZBEKISTON
RESPUBLIKASI
XALQ TA'LIMI
VAZIRLIGI,
«KAMOLOT»
YOSHILAR
IJTIMOIY
HARAKATI,
«SOG'LOM AVLOD
UCHUN» XAYRIYA
JAMG'ARMASI**

BOSH MUHARRIR:
Umida ABDUAZIMOVA
TAHRIR HAY'ATI:
Shuhrat AHMEDOV,
Jamoliddin FOZILOV,
Oynisa
MUSURMONOVA,
Qahramon
QURONBOYEV,
Feruza JALILOVA
(Bosh muharrir
o'rinbosari),
Po'lat MO'MIN,
Mukarrama
MURODOVA,
Tohir MULLABOYEV,
Ergashvoy SARIQOV.

Noshir
«Ijod dunyosi»
nashriyot uyi.

Gazeta «Ijod dunyosi»
nashriyot uyi kompyuter
bo'limida terib
sahifalandi.
Hajmi A-3, 2 bosma
taboq.

«Sharq» nashriyot-
matbaa aksiyadorlik
kompaniyasida 46.291
nuxxada ofset usulida
bosildi.

Korxona manzili:
«Buyuk Turon»
ko'chasi, 41.
Buyurtma № F-71
Gazetani
Muhabbat
MAXSUDOVA
sahifaladi.
Navbatchi:
Tuhfaniso ORTIQOVA.

Ro'yxatdan o'tish
tartibi № 000137
Manzilimiz: 700129,
Toshkent shahri,
Navoiy ko'chasi,
30-uy.

Tel: 144-62-34.
144-63-08